



KamuTangnuam Biak In hawn ni, 29 Jan. 2022



KNP Vaihawm Kikhawp 8-Veina 2022, CKNP Puitute

7a.

---



---

*If undelivered please return to* - Manipur Area Office,  
 P.O. Box - 107  
 D. Phailian,  
 Churachandpur - 795128  
 Manipur, India



ESTD. MARCH 2008  
 APRIL 2022

# Hinna Vâk

AN ORGAN OF THE MIZORAM PRESBYTERIAN CHURCH SYNOD, MANIPUR AREA



## CHAWIHAWINA THUMTAK CHU

- Missionary Day Chibai Bukna
- Khanglaite Leh Kicheina
- Meitei Lak Ah Nasepna

## THAM UNLA HUN KAI UN

Kum 2000 liamta a khan Judai gam ah kichamna Lal chu tawm takin Sabiltung no chung ah chuang in Bethani khua leh Jerusalem kikal ah chawihawina a chang hi ti i Bible in ei hil hi.

Jesun Sabiltung no khel khel a têlna ziaak pali chu: *A pakhatna in*, Zawlnai Zakariah in a la gen lawk ziaak a hi (Zech 9:9). Messiah chu a hi ngei nai ti zia hin a sulang a hi. *A panina in*, Abraham in a chapa masapen Isak thuawi tak ah maicham ah a lat gual a khan gancho thuawi Sabiltung hin thuawina a latsak a hi. *A pathuna in*, Lal Solomon ngei khale sathaunu a hi a khan sabiltung chung in a chuang a hi. David lalchutpha tawh Sabiltung hi genzawp a hi sek hi (1 Kgs 1:33-44). *A palina in*, Israel lal palina, Leng Jehu khanle Samaria khawpi Baal biakna temple suchim ding ah a kuan lai a khan Sabiltung chung in a chuang a hi (2 Kgs 9:11-10:28).

Kum sang tam tak David lalchutpha chu nam hatzaw te khut ah kantawmin a la um ta, a kikanna khau chu tham ah chiasak kit ding in Lalpa Jesu hin, zia dingah sathaunu a hizia chu a hung pholang a hi. Gitlona khauhual in ei kantawm tak te haw kha thap thâk ah a um ah, mani ah lamzawt sak i hi ua leh Pathian hepina apat chun bang in ei khen thei ding a h'em? Palm Sunday hi i lak ua kawltâng te thap thak ah keng ah chiasak na ni in mang hitiu in, kua tawbang a hemkhat bek in lunggil taka Hossana ti ah Lalpa min a pak theina ding in pan la hitiu.



**Kochuam Huang**

**1. Kochuam Numei Pawl:**

KNP Vaihawm Kikhawmpi 8-veina chu K. Sharonphai Kochuam Biakin ah March 4-6 sung a khan “Lalpa na chu thanuam takin sem un” ti thupi mangin kipakum tak leh fel takin mat zaw a hi tai.

**2. Khristian Khanglai Pawl:**

12<sup>th</sup> KKP General Conference, March 11-13, 2022 sungah Lamka Pastor Bial, Hilltown Kochuam in a zintun ding ah guat himaleh election boruak

**5. Sunday School Committee malakna** Kum 2021 Pathian thu Examna Result chu Bial 19, a nuai ah kitaklangte ah kipat hin dawn a hia, result tangpi khaikhawmna ziagual a hi:

S I . No.	Department	Honours Mu zat	Exam Passed zat	Gawpkhawm
1	Beginner	103	179	282
2	Primary	215	207	422
3	Junior	242	193	435
4	Intermediate	153	144	297
5	Sacrament	94	83	177
6	Senior	212	88	300
<b>TOTAL</b>		<b>1019</b>	<b>894</b>	<b>1913</b>

phalo a um ding launa ziak in May 13-15, 2022 ah chawn a hi.

**3. Biakin thak hawn thu:**

K. Sharonphai Bial ah K. Tangnuam Biakin chu January 29, 2022 ni a khan Administrative Secretary Rev. P.B. Zosaphara in a hawng tai.

**4. Bible Hilchianna Vaiphei pau ah siam ding thu** a khan Manipur Area Committee in Sub Committee a siama, ziate lemguatna chun Bible hilchianna letlingtu ding le guatfel a hi tai.

## HINNA VÂK

**6. Khristian Labu Revise & Enlarge Committee malakna:**  
 Khristian Labu Committee hin nasa takin pan a lau a, zaw gual deu ah ngai a hi tai. A hung zaw pai ding uh kinep a um hi.

**7. Pathian Biak Kikhawp Kaihuaina Bu Revised & Enlarge Committee malakna:**

Vaiphei pau ah umsa hi etdikna nei zaw a hi ta, Mizo pau ah um Vaiphei pau ah umlote letling in laklut ding ah guanggalna zaw a hi kit ta, Manipur Area Context ah belap ngai kisa khenkhat a um a, ziate chu buaipi zing lai a hi.

**8. Rostad Memorial High School malakna:**

Kum 2021 ah hipi ziak in zilna lam duthusam zolo maleh Class X result chu kipak a um ma ma hi:

First Division	- 18
Second Division	- 13
Total	- 31
Passed percentage	- 100%

2022 kum a hin Zillai 409 a um hi:

Class	Pawsal	Numei	Total
N	13	06	19
A	18	10	28
B	08	13	21

I	16	11	27
II	19	12	31
III	18	13	31
IV	22	22	44
V	15	11	26
VI	17	18	35
VII	18	11	29
VIII	19	20	39
IX	24	21	45
X	11	23	34
Total	218	191	409

9. Administrative Secretary Bial-fan thu Administrative Secretary in Pastor Bial Centre chawtkim masak gua in pan a la, tuni tiang ah a chawt tak te chu zia sia hi a hi:

- (1) D. Phailian Pastor Quarters
- (2) Lamka Pastor Quarters
- (3) Mata Pastor Quarters
- (4) Kangvai Pastor Quarters
- (5) S. Kawtlian Pastor Quarters
- (6) Munpi Pastor Quarters
- (7) D. Khawzim Pastor Quarters
- (8) Imphal Pastor Quarters
- (9) Sugnu Pastor Quarters
- (10) Dumlian Pastor Quarters
- (11) Panglian Pastor Quarters
- (12) Kawlhen Pastor Quarters
- (13) Phailianbung Pastor Quarters
- (14) Phaipeng Pastor Quarters
- (15) S. Munnuam Pastor Quarters
- (16) K. Sharonphai Pastor Quarters
- (17) B. Phainuam Pastor Quarters
- (18) Leilon Pastor Quarters

## CHAWIHAWINA THUMTAK CHU

*Rev. Lalpiaklian  
i/c D. Khawzim Pastor Bial*

**L**alpa' u Jesu Khrista Lopi tak ah Jerusalem ah a lutni chu khawvel pumpi ah Christian te'n "Palm Sunday" "Tumbak ni" ti in i la mang sek ua. Zia Tumbakni masa pen ni a chun Jerusalem lam zuan in Jesu chu sabiltung chung ah chuang in a chia ah. Jesu Messiah a hung hi ti hete chun tumbakte chawi in Lal Jesu chu a lamtuau ah, Jesu chu chawihawina lopi tak mai a piau ah, a chiana lampi ah te chun a puanteu leh thingsawl te chu a pha' u hi. Zia puan leh sawlpa kipa hi Lal te chawihawi na ah ala matsek uh a hi (II Lalte 9:13). Hosanna ti in a kiko ua. Zia hin mipite chu Jesu kengbul ah a kituklut nau a latsak a hi. Mipite chun Jesu chu Lal (Messiah) gual in a lamtuau ah, a chawihawi uh a hi kha. Chun, Jesu chu Messiah, Pathian in a hung sawl, Lalgam zia khawvel ngei ah tungding dingah hung a hi ti kinepna nei pum in ala dawn uh a hi.

Lal Jesu vang zia khawvel ahin muthei dingah a Lalgam din ding in a hung pua, mi zosia a dingah hukdamna nâ sem ding in a hung ala hi zaw' i. ".....ka lenggam chu zia tak hi a hi puai" (Johan 18:36).

Jerusalem a lutna ding a chun Sabiltung a tel ah, zia hin a kingaitawm zia a sulang a hi. (Sabiltung hi kingaitawmna leh kichamna etsakna'n mat a hisek hi). ".....Pathian chawihawi in aw ngai tak in Lalpa min ah Lal hung chu a hampna na e" (Lk. 19:37-38) ti in limtak in hun a mang uh

a hi kha. Ziagual tawbang ah mipin a buai pi phat ua chun, mipite lak ah pang lo midang ten le Jesu chu kua a hi ti he ut in a thugen ngaithak kal chu a la ngakla ma ma mai uh a hi.

Himaleh, Jerusalem ah mi zosian ala ngai pawimaw leh ala vaidawn puau ti vang a kimu thei hi. "...khawpi sung ah mite chu a la so veng vung ua, zia mi hi kua ahia hem? A kitiu ah ... mipite chun Galili gam ah Nazareth khua Jawlnei Jesu a hi" ti in a dawnhu' u ah. Nazareth Jesu a hi ti a hung hiat phat un a lungthim

## HINNA VÂK

uh chu a hung kisang ta a hi. A kinepna gual uh a hilo dan a hun hetau ah. Pilat ngei in le “Jesu Messiah kiti hi bang kalaw ta diam? a tia. A leng un a kiko ua, “ama chu kros ah khenden in” tin a dawnhu tau a hi. (Lopi tak in Jerusalem ah a lut ah nitamlo nung ah khetden ding in a dawn kit uh a hi.)

Jerusalem mipite chun Jesu chu ala dawnkhial ua, kisik kit in Khraws ah khetden ding in dawtna leh piakdawna a nei kit gual ua hin umlo ding in, ei uh a ding ah Lal hung chu Hosanna ti ah i dawn ding uh a hi. Zingkal matak ah Hosanna ti ah kiko hi dawndan diktak leh huntawk ah ngai mailo in i hinkhua ah kisâna lungthim leh mite mitmu ah lang leh vak hawitak hi ding in i thilneite’u leh i lungthim te’u lân in dâwn hitiu. Jerusalem mipite’n Jesu a hiat dan uhi a bukim pua, ziaziak ma chun a dawnkhial uh a hi. Ei un vang thagau thiangtho panpi na zal in i he chian ua i pawm uh a hi. I pawm zing lai ua hin bang a h’em i sep butin lo uh um ngei in a. Nisin ah i hinkhua ah chawihawi ah lawpzing ding in ei chial a hi.

Awle... dawtna pawimaw tak chu, zia Palm Sunday

masa pen ni hin um hita le chun bang dinmun in la ding diam? A dinmun uh a dem um ma mau in a kilang maithei hi. Jesu pawmlo te lakin le i ding maithei ui maw...? Nisin hinkhua ahin ama ngaisaklo, kilepsan sek te i hi khasek ui. Gitlona ah hinkhua mang sek i hiu ah, Pathian dawilo gual ah khawsa sek leh ama pawm utlo leh chawihawi peilote leh nachang hiatlona i neisek uh hi hilo a h’em? Hiangal ah zam mangsan sek leh kilepsan sek te i hiu hi.

Amabo chu i message lai mugil chu Pathian in ei lungsiat a, banggual in soal ma leu hinle a chapa Jesu min ziak in ei ngaidam a, ei ngaidam thei zing nalai hi. “Krista chun gitlo ziak in kumtuang dai ding in a thuak ta’n ...thagau ah suk-hin in a um tai” (I Pt. 3:18).

Thumtak leh tui tak gual in Jerusalem lut maleh ni tamlo zo in khatak in dawnhuna leh lamtuana a tuak a hi chu. I mihing hinkhua ah ziagual hi tuak ding in i vak kichan a hi chun hiatthiam hak tak hengei in a. Zia chu hezing kawm in i Lalpa’u Jesu min in Pathian ma-ang ah kingaitawm tak

leh kitulut in chawihawi in lamtua hitiu in, zia chu i mihing chanpitema-ang in latsak hitiu in, thunuaigawl tak in chengkhawm in umkhawm hitiu.

Zia Palm Sunday hun kipak um ahin, la hinkhua pumpi leh la taksa, lungthim leh thagau in Lalpa Jesu Khrista chu ala lamtua leh chawihawi ding in i kichial a hi.

---

*Good Friday Sermon*

**“AMA LEH AMA KIHUKDAM THEILO”**

*(Mat 27:42)*

*Upa K Vanlalauva,  
Former Principal, RMHS*

**H**epitu Pathian chun a chapa changkhat neisun ei piak thi champha mang kit thei dingin khawvel mite hun pha ei pia, Ama chu pakin um ta hen! Good Friday mangtu zosia ten i Lalpa’u Jesu chanchin lunggil tak ah ngaitua chungin zia ni hi lim leh kipak takin mat gaw chiat hitiu. A thina chu i hinna’u kipatna a hia, zia chu khawvel mite a dingin hiattthiam ding gual a hi puai. Zia i thupi têt a pat hin a hiattthiamlo dan uh a kilang hi.

***Musit leh Engbawlina paukam a hi:***

I Lalpa’u Jesu khawvel ah a lenlai khan natna tincheng thuk ten a zuan ua, ala sudam sek hi. Phakte a hithiangtho a, mitdukte a hivak piakin chuleh thithabuak vawpte a deldaw piak hi. Ama gingo ten a haw ma ma’u a, a dawu puau ah, a sawisel nasa ma ma u’i. Ziakiak hin Khraws ah khetden in a um hi. Zia bep chule hiloin i sual tatna ding ah a hinna a lat laikhan le musit takin a engho ua, “Mi dang bawn hukdam ah,

ama leh ama kihukdam theilo” tiin a musit takin a nuisan uh hi. La Lalpa ka Lalpa, la Pathian, ka Pathian khan ziagual lawm ah mualphoin nang leh kei a dingin hukdamna na chu ala sem buting hi.

Ama a ding ah i thawkna te’u hi a nep thei na lawm lawm e! Zia zia chun Khraws lampi i zawt zing lai hi lampi nuam a hi pua’i ti hia’i ti’u. Mani kihepina in mun a chang zo ta, mani hamphatna ding hawl ding i hi hial pua’u hi.

*Ama leh ama kihukdam theilo Jesu:*

Lal Jesu enghotute hin thudik tak a gen uh hi tiin ngaitua sin le hin. Hi e, zia hun lai khan Ama a kihukdam theilona zia pakhat bep a um hi. Zia chu gitlona huaisia tak a puak zia a hi. Khawvel gitlona huaisia tak mai a puaklai tak a hi zia kin a Pathian thianthona khan a nutsia hileh a kilawm ten hi. Zia gual chu hilo leh, “I gitlona a puai” i ti hin thu bep, a tak ah umlo hi ding a hi. Mipi soal pawmangtu këlchal gual khan Khraws lek ah khan gitlo huaisia tincheng chu Khraws ah phummang ah a um theina dingin Pathianin a chung ah a nga ngalin. Zia zia kin khan a pa Pathian inle a taisan a, a kiko daw k hial a hi kha.

Nang leh kei hin mi dangte gitlona apat a thianthona ding leh mi dang damna dingin, pate taisan ding khawp hial ah puakgik i puak masia’n zia thugil hi hiathiam zo ngailo ding i hi. Zia zia kin chun, a taksa’n i gitlona zosia’u Khraws a khan a pua, thanin ei vui mang piak ta hi. I gin ziang ding uh hilo ding a hi em? Ama tawh vuikhawm ah i um nau chu a hi. I Lalpau khan

zia hun lai khan nang leh kei سوالنا a puak zia kin ama leh ama kihukdam theilo chu a hi mai hi. A mihing hina zia mun a hin a kichian hilo a hem?

Zia a taksa i gitlona’u a puak chu a taksa ah pat a thisan hung pawt khan Pa Pathian lungthim ah i gitlona’u ei sawpthian piak ta, Pathian thilhitheina’n a hung thum kit hi. A laicha zaw win lin a hung ling a, suangpite hung kekin, thân a hung kihawng a, Pathian Biak In paunzak – kumkhat a khatvei bep thisan chawi a Thiampu Lalpen lut theina kha le a hung kithêk suak ta a hi. Zia thilhitheina hi thilhitheilo gitlona pua i taksa’u silthianna a um gual a khan nang le kei ah buakna tin cheng chu Pathian thilhitheina’n, kumtuang hinna chu ei chansak a, zia chu a taksa thawkitna khan ei zawpiak ta hilo a hem? A lopina lawm lawm e!

Lapa chu pakin um ta hen. Gen dan chuam in gen le hin, zia hun lai a khan Ama leh ama kihukdam thei ziang maleh nang le kei gitlona zia kin ama veng dingin Vansawlwchak sangguk mun sawm leh mun ni hun sawl dingin a pa Pathian kiangin a dawn thei zing hi.



Maleh, dawn ziang taleh Pathian hukdamna bukim chu sepdawin hung um thei puan ah ti ama ma ma in a gen zui ngal hi. Haksa tak ah thi tiang ah thuk mualsua in a pang tun tun ah, zia chu ei uh a dingin damna a hung hi ta a hi.

Thuaktu umlo in damna a um thei paw ngal a, zia chu khialna ziak ah tuni tiang ah gingtute'n i thawk uh chu a hi. Musit, enghona leh gentheina tawpkhawk a thawk mualsua zia kin hukdamna lopi i chang tau a hi. A thina hi ei uh a dingin damna leh kipakna a hung hi mai tak hih!

Venpi kitiam ten le a venpi theilo khawp hial ah lungngaina thuk hukdamna lopi hi mihing mihinna hin bangtik inle suisuak ngai puan a. Thagau

ginna a gingtu ten a hinna'u in a hechian bep sek u'i. Ziagual ah hiatchianna hin a kimkhat le a hiachian zo diak puai. Ziagual ah hepina thuk hi kua-ma'n hiachian ten ah kingailo hi pha pen lo ding a h'em?

Khaile, zia Good Friday lopi tak hi hukdamtu'n ei uh a ding ah thawkna hi gun tak ah ngaitua zing kawmin ama tawh kipawl hi ti'u. Gen ah genthiam thaw mai sangin a takin i hinna'u a hin hinpi le hin. Zia chun Khrista ah hinna thagau chun sualna leh thina dan a patin ei sawp thieng kit in ah. Lalpa zanan Sacrament i chan uh hi ei uh a ding ah a thawkna leh a kipumpiakna i hiat zelna ding uh a hi ngal ah.

Good Friday mangtu zosia Lalpa'n malzawl ta hen.

Zia Article hi Hinna Vak March 2018 issue ah a la kisua ta, a vel ah hung kisua thak kit a hi. Upa K. Vanlalauava hi Rostad Memorial High School Principal a la hia, Melriat, Aizawl ah cheng a hi.

---

MIZORAM PRESBYTERIAN CHURCH  
(Presbyterian Church of India)



Rev. P.B. Zosaphara  
Administrative Secretary  
☎ : 8210377892

MANIPUR AREA  
email ~ mparea@gmail.com

PO Box – 107  
D. Phailian  
Churachandpur – 795128  
Manipur, India.


Ref. No. ....

Dated.....

## MISSIONARY DAY CHIBAI BUKNA

Pathian Puihuaina zâl in Missionary Day tung kit ding i hitau a. Zia ni hin Chanchinpha hun tuntute hezing in, a hun man tam tak mai uh leh a gam nuam tak uh taisan in Pathian in i lak ua a hun sawl dan te leh sawl thei ding ah a um uh hi a lopi takzet a hi. Pathian ei lungsiat zia he thak hitin uh, Chanchinpha ei hiltute gual ah Pathian mat thei ding in i hinna'u hi lân phal hitiu.

Missionary Day mangtu zosia lawk tak ah mang ding in Pathian min in chibai ka hun buk hi.

  
(REV. PB ZOSAPTHARA)  
Administrative Secretary

## EASTER SUNDAY

*Rev. Lallunglian Vaiphei  
i/c Leijangphai Pastor Bial*

**A**masa pen in simtu zosia te thokit i Lalpa'u Jesu min in chibai ka hun buk hi. Lal Jesu gingtu masa ten a thugen pi pen uh chu Lal Jesu thawkitna thu hi a hia, Khristiante thugin kingakna bulpi pen le Lal Jesu thawkitna thu hi a hi. Lal Jesu Khrista chu gingtute thawkitna ah mapuitu ding a hia, ama gual in thokit ding i hiu. Chuleh, khawvel ah sakhaw chuam chuam sang ah khristiante danglamna leh chungnung bik diak na le Lal Jesu thawkitna hi a hi.

### **Lal Jesu kha a thokit tak tak em?**

Khristian sakhua hi sakhaw lian leh upa tak hiziang ta maleh le tuni tiang a hin khawvel mi tamtakte hin pawm haksa a sak uh leh a hiatthiam theilo uh chu thawkitna chungchang hi a hi. Khawvel tēna leh thiamna apat thîl in dik leh pawm theilo gual hiziang lehle thawkitna hi gingtu a dingah chun Thugin laimugil leh kingakna pen a hia, khawvel ah Khristian ni pawimaw chuam chuam Khristmas, Good Friday... te zosia bukimna le thawkitna hi a hi.

Lal Jesu thawkitna hi thu dik leh pawmtāk a hi dan Pathian thu (Bible) apat in vak taklang hitiu.

**i) Genlawk a hi:** Genlawk/hillawk ti hi Bible ah a kimu

dan ah chun, Pathian in a mite kiangah a nasepdan leh a sep ngei ngei dingte Jawlnei mang in a genlawk sek a hi. Ziagual ah genlawk te chu thil dik pawmtak leh guitung ngei ngei te a hi dan leh i Bible (Old & New Testament) a hin mu ding tam tak a um hi. Ziagual ma chun Lal Jesu Thawkit ding hi le genlawk a hia, ama Lal Jesu ngei in a nungzuite kiang in a thi leh thawkit ding thu hi a vel vel in a la gen lawk a hi (Mat. 16:21; 17:23; 20:17-19; Mk. 10:32-34; Lk. 18:31-34).

**ii) Vansawlchak ten a hun namdet u'i:** Jesu chu a thokit ngei hi ti hiatu, thân vengte leh thiampu liante chun îm in thudiklo 'a nungzuite'n a gudawk ui' ti gen zak maleu, Jesu thawkit thu hi khawvel mihiam hilo lei leh van leh

a sungah um zosia siamtu Pathian vansawlchak ten a hun puang un a hun namdet uh a hi (Mat. 28:5-6; Mk. 16:6-7; Lk.24:4-7).

**iii) Thân awng (hawm):**

Jesu thân chu Pilat hiatpi in Thiampu lalte'n vengtu bit tak ah kawi in thân kawt tiang le a chal uh a hi (Mat. 27:66). A hinla Sabbath ni zaw ah ni masa pen zingkal phalvak ah Mari Makdalin leh Mari, Jesu luang gimtui nu ding a chiate chun thân awng/hawm a va mu'u a, Peter leh nungzui dang khat khan le Jesu thân chu a hawm in a va mu'u a hi (Mk.16:6c; Lk. 24:3,12; Jn. 20:13).

**iv) Ama ngei a kilak hi:**

Lal Jesu chu thina apat a thawkit nung in van ah a kal ziang pua khawvel a hin hun chawmcha a kilak tawl tawl a hi. A nungzuite lak ah gingla tu Thomas umna ngei inle kilak in ama khut ngei a khawisak ah Thoma'n le thawkitna chu pawm in a ging a hi. Jesu chu munchuam chuam in a nungzuite kiang in a kilak a hi (Mat. 28:17-20; Lk. 24:36-39; 41-43; Jn. 20:19-23; 25-27; Nas. 1:1-6).

Khawvel mite'n mu phâk lo in leh hethiam lo maleu, ei

uh gingtute a dingah chun zia a chungah i gen te'u a pat hin Lal Jesu chu a thokit ngei hi ti hi pawm leh kingakna tak a hi. A ziak chu Pathian thu ngei in ei hil a hi **“Thuthung Lui leh Thuthung Thak bute hi Pathia thu a hin, ziate bep hi ginna leh thilhi thu ah tena dik lo thei lo chu a hi”**.

Sawlchak Paul ngei inle Jesu chu Pathian Lekha thu gen gual ngei in a thi, vui ah um in, ni thum ni'n kaithaw a hi tin a gen a hi. Chuleh, Jesu chu a thawkit nung in Kipha kiang, nungzuite kiang leh unau zanga sang ah tam zaw kiang ah a kilâk bep hilo in, Paul, ama ngei kiang in le a kilâk thu a gen a hi (1 kor. 15:3-8). Paul chun Jesu thawkitna thu hi thudik lo a hi chun a thugen zosia hi zuauthu hin tin, ginna thu ka gente hi le zuauthu hi vek in tin, keiuh thawkitna thu gente hi le mizuauthei hi'ng ka tin uh, hukdamna thu ka genteu hi le bangmalo mai mai hi ding a hi ti'n hangsan tak in a gen a hi. Paul chun a vel in “Himaleh, Khrista chu thina kipat kaithaw in a la um ngei ah, a thisate thawkitna mapuipa a hi tai” ti'n a gen zawm kit a hi (1 Kor.15:20).

Ama Lal Jesu ngei khan le “Keima hi thawkitna leh hinna chu ka hi, ei gingcha taphawt chu thi maleule hing zing in au” a ti’i (Jn. 11:25). Zia thu hi khawvel pilna’n a sui phak lo, thugil leh thuktak, ahinlah, ei uh gingtute a dingah chu thamuanna leh kipakna thu a hi.

Zia a chung a i gen teu apat hin Jesu chu a thokit ngei a, ama gingtute le ama gualah thokit ding i hui ti i hiatheu ui. Zia khawvel a hin haksatna tam tak kâlah lengin chau chang hung umsek maleh, thawkitna lopi tak chang ding i hui ti kihian dettak leh kipak tak in chia zel hi tiu.

---

## KHANGLAI TE LEH KICHEINA

*P/P H. Lamthianmuan,  
Panglian Pastor Bial*

**Z**ia Khawvel changkangna gam ahin, Khanglaite leh Kicheina **Z**ti thupi mangcha’n, Bible ziltina apat leh Kum zabi sawmni leh khat (21<sup>st</sup> century Digital Age) fashion te apat in, bang gual in i bultua (applicable) thei diam vak thîl khawm hitiu.

### **Kicheina(Dress Code)**

Kicheina ti paumal hi, nguntak ah I thîl a hi chun, a masapen ah i ngaituana hung kilang chu i kivanna; sil leh chên, nîk leh puanâk leh taksa zemhawi tu leh selkhuna ding thuamphua zat chuam chuam ah kisiam/kisak a kawk deu pen hi in a lang hi. Kicheina mumaltak neitu; School, Institution, Company leh any Organized department te apat in uniform dress code hawitak tak a nei ziak un a za umna leh a lopina’u a taklang sek uh a hi.

Ziagual ma chun, mihing hinkhua ah kicheina zat chuam chuam a um ah, ziate chu; formal dress, semi-formal, casual, formal casual, informal natiang in kichei ding dan aditaden in a um vek hi. Mang phachuam te a ding in a za umna’u a suadawk sek a, mang khial tute a ding in khawlona/mualphona a tunsek hi.

Zia chu a hileh, bang ziak ah nik leh puan hawitak tak ah kivan leh kisiam sek i hui em? Pathian in Adam leh Evi taksa

bak kai selkhuna dingah savun nîk leh puan a silsak gual in ei unle i zâ um na selkhuna mai mai ding ah i sil uh a hi diam? Ahiloleh sil leh chên i kivan sek na'u hi midang te (thîltu dang) etnawp (impress) di zawng mai ngaituana ziak ah kisiam/kisak leh kivan sek i hui em? Ahiloleh eimau utzawng ah i lungthim/lunggel putdan dan ah kisiam ziang ihui em? Ngaitua khamtak a ting hi.

Kicheina chu a hilo ding gual tak ah kivan leh a hidi gual tak ah kivan hin thil tamtak pawî a khawikha thei in, a siampha theibawk hi. I Pathian thu in, “Kicheina dik chu i hatna'u leh i zâumna'u a hi” (Thupilte 31:25) ti'n ei gen hi. Kicheina a dik ziak in melmate ang in a mualpho ngaipua, a gual leh pai te lak in dawisakna a chang ah, gualzawna a chang zawsek a hi ti i Pathian thu apat in i muthei a hi.

Chuleh, I Peter 3:3 na'n “Kicheina hi lungthim sunggil lam apat mihing kiselgu suadawktu a hiziak in, i kicheidan zil in i mihing zia nasatak mai in a taklang sek hi” ti'n ei genkit hi. Ziaziakachun, tulai i kichei dan apat in bang gual mizia nei ihui em

ti bailam tak in muthei in a umsek hi, zia chu khangthak te lak in bang gual ah kivan leh kisiam ding ihui em, pilvang a ngai ma ma hi.

### **Kicheina Dawium (Dress Modestly/Decently)**

‘Kicheina Dawium’ ti hi'n, Khristian hindan ding tak ah chun bang gual in i kawî uh em? I ngaitua na'u lailung pen in suangtua leuhin dawî um kasa a hi.

Kicheina dawium ti hin, nîk leh puanâk mantam tak tak te a kawî pua, nei leh lam taklat (show off) nawpna ziak ah program (VIP) ah chial le hisamlo, hun zosia ah vanthak sil leh chên ah kichei zing le a kawî diak pua. Chun, i mizia selkhuna ding in Pathian ni kikhawpna chauh ah van hawî (Sunday dress) ngaisak bîk le a kawî diak pua, ziagual ma chun kisiam/kisak na a sethei pen leh a trawp pen, kilawmlo tak ah khawksakna neilo kei ding tina le a hi diak puai.

Chun, midangte etla thei ding khawp hial ah puanthân chawdai zolo ah numei te puanak khuineu talua (tight), gillai dawî velval, puanâk ngawng lian talua, zaknuai

pal talua(sexy talua) leh ksil thiango ah kinawina (makeup: lipstick, eyebrow, nail-polish, perfume, hair color etc. etc.) hâbawl takluat hin, i taksa vun ei suchul vak ah gimnam hattak (perfume)sang ah hatzaw zakkha ui te eipia zawsek a hi. Ziagual ah kichei leh kisiam te hin kicheina dawium a tingzo pua, i zâ umna a hibein in, i Pathian thu tawh le a kituak zo ngai seklo a hi.

Chuleh, Mi mittiak leh mitkham sak thei ding khawp ah pawsal te kisiam/kisak dan ah, numei te eyebrow kinawi, bilba bat, tek nailo ah sam kâng (hair color), akchal luchukchuang gual ah samkân, khuttin sukthiang peilo zia ah nail polish nukhum, khut zung, khut ngawng leh a lemchang na zosia hardware store batsak ziang, tawka kawng kawl vang lak chu tawbak nuai ah kawnggak um, tawka tight cheng vanglak chu tawka lawng akkhawmit chung ah naupangte tawka cheng bang ziang, a taksa'u kizik pawl (tattoo) leh puanâk T-Shirt poster hetkak theilo khawp ah kizik pawl nasa talua ah kivan te hin Pathian lopina a selkhu zawsek uh a hi.

Gingtu khat ihi chun, khawitak mun in umle hinle, i kichei dan leh kivan dan in Khrista mel i taklang zaw ding a hi. Khangthak khenkhat Biakna Kikhawpna ziang a le, kicheina dawium ah kivan thei nailo tamtak a kium nalai ah khawk kasa ma ma mai hi. Khenkhat Biak In kaina dress chu, zan giakpi (night dress) pyjama te, slipper (horse star) te, collar less shirt te, mawza puan lukhuk te leh sathau (hair oil) kial tunna gual ah, nu leh pa'n thunun zolo ama'n a sam thununlo mu ding a tam ma ma sek hi. Kicheina dawium a hi theina ding in, a hidigual tak ah kichei ah Khrista mel latsak zing a phai. Decent dress lo him him chu Kochuam program zosia leh lazil na tiang ah i kichei dan ki-etthak ah zia gual ah i umkhak tâk a hichun, sim veng veng ah chînkit taklo phan ah.

Kicheina dawium tak chu, i Pathian thu'n "khawitak mun inle, la nîk leh puan kivan na him him ah, a hun bep cha, a kilawm tawk tiang bep, lungthim thunuaigawl na leh nunnemna, puansil setheilo ah kichei leh kivan henla, a nasep phat te'u apat in kivan

zawu hen, zia chu Khristian gingu diktak Pathian ngaisak kitite kivanna ding ah dawium leh kilawm chu a hia, zia chu Pathian mitmu in a lul ma ma hi” ti’n a gen hi (I Tim. 2:9; I Peter 3:4).

### **Kicheina Dik (Dress Accordingly)**

Kicheina dik ti leh Kicheina a hidigual tak ti hin, tulai khawvel changkangna fashion Industry in a hung puakdaw numei leh pawsal khenchuam umlo hial ah kisiam leh kivanna tawh a kikak ma ma hi.

Gingu hinkhua ah, ginna lam kigakna (statute) a nasat po leh Khawvel mîtna mimal zalenna lam (It’s my life) a huaisia deu deu hi in a lang hi. Khawvel fashion sâng ziak leh mimal zalenna thuneina (let’s do it) nasat ziak in Pathian sawiselna liantak leh ama dêkzawng ah pawikhawi khakna; mihing kisukkhawlo na {LGBTQ (Lesbian, Gay, Bisexual, Transgender, Queer)} numei te pawsal ah kisiam utna leh pawsal te numei taksa gual ah kisiam ut na hin Pathian lungnatna (wrath) a chawktho bep zaw sek uh a hi.

Ziagual lungthim putna mai inle, i sunggil lam apat in i mihing zia kiselgu chu a langchang in a suadawk zosa a hingal ta a hi. I kicheidan, kivandan, kisiandand leh kisakdan zosia hin i mizia a hilo ding gual tak in a siamtu sumualpho tu’n i la pang khasek ah, zia chu Pathian pawî khawikhakna thil khawktak hiat in/hiatlo in i la bawl khasek a hi.

I Pathian thu in, “numei chu pawsal kivanna a kicheilo ding a hi, chuleh pawsal le numei kivanna a kicheilo ding a hi, zia gual hi Lalpa Pathian huatlam/kidaklam tak a hi ngal ah” ti’n ei gen hi (Deut. 22:5). Pathian in a guatchuam (Nazarite) bîk Samson gual ding i hilo ngal leh ama gual ah pawsal te’n sam hawisau lo ding a hi. Chuleh, numei te’n le pawsal te lopina i puanlat na chu i sam metchawm lo ding hi a hi (I Kor. 11:14).

Pathian in hina/melchikna (identity) hawitak eipia, thilsiamte lak lak ah hawipen, thupipen leh lopipen chu mihing te ihu ah, pawsal leh numei in Pathian mel/lîm pu’n ei siam a hi. Zia chu a hileh nang leh kei apat in bang



gual in i siamtu Pathian mel i pawtsak thei diam? Pathian mel pawtna ding in i kicheinate hi a vâl talaw diam? ahilo leh a vât talaw diam? Ki-etchian thak a pawimaw hi.

Kicheina a hidigual tak ah kichei hin, lungthim a

hinavak ah, biang a hi tai in, mel a sukupak sek a hi. Mite pakchatna a law sek in, midang te ettawn a kilaw dawk hi. Zia chun Lalpa lopina a puanglang zawsek in, a hinkhua'n Pathian a chawihawi sek hi.

---

## MEITEI LAK AH NASEPNA

*Evan. Lienboi Neitham  
Chingmei Bial*

A masa'n Meitei laka Pathian nasepa report pethei ding ah ka um ziakin Pathian leh hotute chung in kipak thu ka hun gen hi. Chun simtu zosia'n Pathian malsawmna dawng ding in ka hun lan hi.

**1. LUKER 2003-2006** in Meitei Mission Field nuai ah kumli kala um a, zialai chun ka um patna ahia meitei pau le kathiam pua, haksa takin ka sem to zel a. Pathian panpi zalin ka ginchak sang in Thagau puihuaina mak tak mai Pathian helote lak a thitha buak vawp (Maibi Changba) chuleh natna dang dang ah damlo te haw pauchap piakna ka nei un. Pathian panpina'n damna a hung nei ui. Zia kipat chun gingu tamlak (40) vel a hung kila'n un, Kochuam kikhawpna Thagau Thiangtho pawlna lim tak in

kamang thei un, a nawp khawp mai hi. Chun Biakin chutna a kidai tapua Kochunam paisa lah umlo liangvai tak a ka umlai un Lalpan ka pauchapna'u dawnhu in mikiphah, Upa Paukholet te inkuan in chutna (Bench) mamaw cheng ei hung piau a, thamuang tak in ka kikhawm ta'u. Chun Biakin a neu tak ziakin keklet na'n Ngopa Bial in Biakin ei hung sak piak ui. Kochuam ah Thagau nasepna a chia zinglai in Tangvel Bogen Maklang chu a hung piangthak ta. Ka kiang in hiti hin a hung gen a, "Oja, lungsiat takin ka

inkuan te kiang in chanchin pha hi ei genpiak tei in aw,” kei le pauchapna nei in Pathian suang in ka Cycle in ama ka zui ta, verandah ka chukual un, a lai un, hukdamna thu ka gen laitak in Inneitupen a hung in, “kua phalna ziahi thu hunggen la hem?” lungna takin chemsau tawh pumin pawt ding in ei naw tai. Keile lungthim a pauchap kawm in inlam ka zuan tai. Inlam zuan ah ka chia zinglai in Kalungithim in la pakhat a hung kilang ah, zia chu “Zion chate zalenna ding a naitai, nang la pang nadium aw suapi.” Zia ka nutsia te kha hukdamna thu dawng nuam ma ma dawng manlo ah sukbuai a ka um kha ka lungthim in a gi zing hi.

## 2. TENDONYAN 2007-2009

Kum in Meitei Presbyterian Mission Field in hotu te'n ei chawn un. Zialai hin Tendongyan kochuam chu Thagau ah gilkiak tak in a la um un. Keile kazi'n kochuam te Thagau lam dinmun kamu un ka pawna mama un, Pathian kiang in theitawp sua'n ka dawn un. Nikhat chu, Dt. 15th August, 2017 Home visit ka chiana'u ah thagaubuaq vawp pakhat

RK. Helena ka tuakkha ua, pauchapna ka mang un, Pathian Thagau in thagaubuaq chungah nasem in, Jesu Christ a Lal leh Hukdampa ding in a pawm tai. Pathian Thagau thiangtho in nasem zel in ginglo tute'n zia pianthakna pat hin Pathian a hung hawl un, nitum in anngawl in pauchapna ka mang u'i. Pathian in ka pauchapna'u dawnhu in gingu a hung pung huai huai hi. Ziagual ah hun ka matzing lai un, revival lopi tak a hung tung ah. Kikhawm a hung lai un ginglo tute'n maksa tak in, 'Christian te hi a ngawl gam tau' a tiu in (Maibi change) Biak in kikhawpna nuam tak in december chan a chiato hi. Revival thu hi Field Secretary in Kochuam chuam chuam hiatsak in Mizoram Dawrpui Kochuam te le zia revival program hi a hung en un, ei hung matpi ui. Ziahun a pat hin tuni tiang in, 15th August hi Revival ni ti'n a mangden tau.

## 3. YAIRIPOK 2010-2011

Kum in Yairipok in hotute'n ei um sak kit un zialai hin ka umna mun uh chu vengmite'n thitha hatna mun ahi ti'n a lau thei ma ma ziang un, keiuh Evangelist

nasem ah ka um uhi thitha chu lungna'n veng mipi te chung ah thil phalo a hungtun khak ding hi a lau un, ahinla Christian tawmcha umte chun a lungmuan thu uh ei gen u'i. Ziapat hin ka nupan un theitawp in Pauchapna ka hung mang pan tau a, zankhat chu ka kikhawp lai un Pathian Thagau in na hung sem in, a kap pawl, a pauchap pawl, lasa pawl, Pathian pawlna ka chan zing laitak un, vengsung mipite'n chem leh thingphel chawi in ei hung chawkbuai un, suangtum in inchung a hung sep ua, mun guk(6) lam a hung sepvang u'i. Chun hiti hin a hung kiko un, 'zia hin umthei pua'n lau, naw dawk un,' a hung tiu a. Zia zan ma ma chun 'zingleh mantop ah i kiho dinguh a hi' ti'n thu ei piau a. Taksa leh Thagau in panpitu ka ngai ma ma un, panpitu ding la kuama a um pua, panpitu ding in Pathian kiang in zan khawvak in ka pauchap tau. Chutichun zingkal khua a hung vak in, mantop lam ah ei ko hun hun ua chia ziang dingah ka ngak zing lai un, Pathian in pauchapna ei dawnhu in, kuama'n ei ko talo uh a hi. Maban ah ka haksatna'u chu tuikhai ding le a phal tapuau

a, maleh report office lam ah kapiau a, water supply ei zawp piak tau. Kochuam tawmcha himaleh tuni tiang in a chia zawm zel u'i.

**4. CHINGMEI 2012** – Kipat in tuni tiang in Evangelist na hung sem in Home Visit leh Gospel Campaign te haw hung bawl to in, a kisemto ah, ahinla duthusam gualbang ah lawting zolo in ka hia, a ziak chu mission dang dang te R.P.C., Baptist, Believer Church haw'n le a sem un, gingu chu a hung um sekna un, sawt a dai ngailo a hi. Pawl chuam chuam in a kisep ziak in, thilpiak dawn ding leh sepna mu ding kinem in a kilang ui. Tutiang in Kochuam khat, Fellowship Center khat leh Preaching Station khat a um u'i. A um sun sun hi ginna lam ah dettak leh hangsak in a ding ui. Ka kipakna chu Kochuam te'n la hung ve thak u hi, ka thamuanna ma ma'u a hi. Chuleh Kochuam leh insung kikhawpna pauchapna lei hiatzing uhi ka kipakna'u a hi. Maban ah ma i sawn thei zelna ding un la pauchapna'u in hun he zing ding in ka hung dawn hi.

## KUATE AHIU EM VAN GAM AH LUT DING?

*Rev. Khupneithang  
Delhi*

**T**ulai ahin gingtute'n i het mama uh, a hinla i ngaikhawk zaw lo ua ka mu chu Lalpa Jesu ngei in, "Lalpa, Lalpa ei ti ta phawt van gam lut ding a hiziang puau; ka pa van a um dawigual hite bep lut ding a hiu hi" (Mt 7:21). Chuleh sawlchak Jakob in, "ka suapite haw, ginna ka nei hi tin, nasepna neilo chun bang a phachuam diam?... Ziagual ma chun, ginna bep, nasep neilo chu a thisa a hi. Thagau panglo ah taksa chu a thisa ahi gual in, nasep panglo a ginna chule a thisa a hi (Jak 2:14,17,26).

Sawlchak paul in "Taksa dan ah la um zing uh chun thi ngei ding la hiu; himaleh, Thagau ah chun taksa thil hite la tha zing ua leh vang hing in lau."(Rom 8:13). Ka hun hil la hiu, Thagau a um leuchin taksa ah soal thatnawp chu zuilo mai ding la hiu. Tuhin taksa nasepte chu a kilang tai, ziate chu angkawmna, tatsualna, buakna, hukna, milim biakna, dawi mang ah nasepna, huatna, kinakna, thangsiatna, lungnatna, kilanna, umchuamna, gindan chuamna, enna, tualthana, zukhamna, kinawptelna. Ziagual thilbawl chingte chun, Pathian gam lua puan au, ti ka hun hil khawl gual a khan ka hun hil kit la

hiu (Gal 5:16,19). Chun tukum ah i Sunday school zillai uh, chanchin pha Mathai ziak hi, Lalpa'n i ki-etchet thak chiat na ding ua nisin hun tin ah, i mamaw uh a hi dan ei ngaitua thak sak deu deu ah. A diak in, Lalpa Jesu ngei in a gen pawimaw tak chu, "Malai mite kiang a chun, tual la tha ding uh a hi puai, a ti tawh, tualthat tapo chu vaihawmna ah lau thawn um tak in ding in ah, a ti la he tau hi. Himahleh ke'n vang, kuale a unau chung ah lungna tapo chu vaihawmna a ding in lauthawn um tak in um intn; chuleh kuale a unau kiang ah, "Raka, panna bei" ti tapo chu vaihawmte vaihawm piak lauthawn umtak in um

intin, chuleh a unau kiang ah, “More, mingawl” ti tapo chule vaihawm piak lauthawn um tak in um in ah, ti ka hil la hui”(Mt 5:21,22). Zia ni tak chuleh mi tam takin, Lalpa, Lalpa, la min in thu te ka gen sek in, la min in thitha te ka del dawk sek in, la min in thilmak tamtak te le ka hisek hilo a h'em? a la tin nau. Himaleh keiman a kiang un, “Nanguh thil gilo hite haw, ka hun hekha ngai puai, ka kiang ah kipat chia mang un,” a la ti tangka (Mt 5:21 ,22). Chuleh sawlchak Johan in, gitlo bawl taphawt chu dan bawtsia ahiu, gitlona chu dan bawsiatna a hi. Ama chu gitlona la mang ding in a hung kilang ah; chuleh ama ah chun gitlona a um puai t la hiau hi. Kuale ama ah aum chun gitlo a bawl zing puai; kuale gitlo bawl zing chun ama a mu puau ah, hiat le a hepauu hi. Gitlo bawl taphawt chu diabol ah pawt a hi; diabol chun a til ah kipat in gitlo a bawl tangal a, Pathian chapa hung kilatna pen chu, diabol nasepte suk mangthai a hitheina ding a hi. Kuale Pathian ah piang chun Pathian chu ama ah a um zing zia in gitlo a bawl zing

ta puai. A suapi hua taphawt chu tualthat a hui; tualthatte chun kumtuang hinna a nei puau hi ti la hiau. A thupiak zawm zosia chu ama ah a um zing un ama le amau ah chun a um zing hi. A Thagau ei piak ah hin ama chu eimau ah a um zing hi ti i hethei ui (1Jn 3:4-6,8,9,15,23,24). Lalpa Jesu'n “Keima ah um zing un, kei ma lo in bangma la hithei puau hi. Nanghaw le kei ma ah la um zing ua, ka thute le nangmau ah a um zing chun la daw daw uh dawn un zia chu hi piak in um in lau (Jn. 15:4,5,7)

Himaleh Thagau ga chu, hepina, kipakna, chamna, dawtheina, nunnemna, phatna, ginumna, thunuaigawl na leh kisumtheina a hi, ziate tawh kikal hi dan a um puai (Gal. 5:22,23). Zia a chung a thute a pat ahin eimau hindan chiat gun tak ah kienchian in khenkhate i hetlo kal un diabol in eimau taksa nawpnate mang in gawtmun lam zuan ah ei pui kha ding hi, thil lau um pen ahi. Thagau thiangtho pui ah um lo te chu diabol in taksa nawpna mang ah gawtmun lam zuan ah a pui ahi ti a chung ah Pathian thu

## HINNA VÂK

hing apat hin a kichian ma ma hi. Simtu dawitak i dam sung hinkhua chawm cha hi diabol pui ah umtalo ding in. La phuak tu in, “Kei a ding ah ka hin sung in kalim thei puai, ka Lal Khrista kona gualah Isak maicham a ka kipiak chun, malzawlna tui thiing limna’n a hung luang. Thunun law lo khawlai nau gual

hichu kei pua’i, ka pianna Lal thisan a hi, gitlo nasem di’n ka kiphah diam? Kumtuang ah um ding Lalpa na lo chu. Nang a ka hi, ei ngilsak in ka Lal Jesu, La hin danin ei hinsak in, damlai thalek ah ka zin lai hin, ka kalchawite hi la thu hi ta hen. Lalpa’n ama thu mang ah thagau ga sua zing ding in, a thu ei malzawl piak ta hen.

---

### *Sabiltung pani hofimna:*

#### Sabiltung 1na:

“lawipa, zani Jerusalem ah khawpi sung ah khan mite’n ka chiana ding lampi ah puan te leh tumbakte pha ah kiko in chawihawina tawh ei la lamtua ua, tuhin la kuama’n ei hepha kit ta puau ah, lim le ei limsak tapuau ah, bangti le a hi diam?”

#### Sabiltung 2na:

“lawipa zani la chung ah chuang kha Jesu a hi, Jesu la chung ah a um ziak mai ah tia kha chawihawina tawh lamtua ah um la hi, tuhi la chung ah Jesu um talo chu sabiltung dang tawh kibang la hi tai.”

~Anonymous

## LA HINNAU HUMBITNA DING IN TAIDAWK UN (Genesis 19:17)

*Upa B. Lamboi  
Langol, Imphal*

**K**hawvel buai veng vung lak ah khawsa i hi nau ahin, i thagau hinkhua mat sua a bailam khawp mai tai. Lota hunlai in Sodom leh Gomorah khau ah cheng te hin khawvel nawpchen na'n hun te mang in malzawlna petu a hemil ua, Pathian lung natna, gawtna hausia tak Mei leh Kat ah gawtna a chung un a tung hi. Ziagual ma ah chun Noah hun lai ah mite'n le hinkhaw nawpchenna a mang un Pathian za na nei lo ah a um ziak un Pathian in tui in a gawt ah mihing te lak in Noah te sungkuan bep tui apat hukdawkna a chang ui.

Lot kiang a chun, la hinna'u humbit na ding in tai dawkwun a tia . Naoh hun lai ah thil tung leh thu piak chu, tui apat hukhin la hi na ding un, Kuang kituk un ti thu piak a hi. Thupiak zui tute chun taksa damna a chang ta uh a hi.

Unau dawitak te haw, Lot hun lai ah thil tung te haw gual leh Noah hun ah thil um dan gual in a sung ah mi hing te hi siat na leh du am na'n mihing te hi a chup zo tai.

Pathian thupiak mangtu te hin taksa damna a chang ua, khaww sa lo te hin thina leh manthaina a tuak ngal ui ti i mu'i. Ziagual hun ah leng i

hi ziak un thagau lam hinkhua hiatlo kal ah mangthai thei ihi na'u in kingaitua thak in pan lathak ding in i kidawi sak ui. Unau dawitak, nang khawi tak din mun in la um em?

I Lalpa Jesu'n, mi kua le lo kaina langkawntu ta, nungram en chu Pathian gam ah mi hi takle ei puai, (Luka 9:62) ah a gen gual in, i ginnau subuai thei, i lungthim kaihek thei te lak ah i kiven phat ngai ahi dan te ngaitua thak hitiu. Manthai thei nate lak ah i um nau hin eima bep kihukhing ding hilo in i Innsung mite le i hukdawknau em ki-en thak kik hitiu.

Lot kiang ah thupiak ah chun

## HINNA VÂK

Mei leh kat ah gawtna lakah bitna ding in taidawk ngai in a gen ah, zia ban ah chun nunglam nga ah kinunghei lo ding ti ahi nalai hi. Himaleh, Lot zi nu hin a chanau te hiatlo kal in nunglam a et ziaak in **Chikhawn a suak tai.**

**Nang leh kei le nunlui thil phalo tamtak i nutsia etla kikna hin i thagau hinkhua i matsua khawlaw thei a hi ti hemil puai tiu.**

Zia thu tawmcha sim tute zosia, Lalpan' malzawl ta hen. Amen.

---

### LALPA AH LA SEP GIMNA CHU THÂWN PUA'N AH (I Korinth 15:58)

*Pi Neikhawvak  
Pengjang*

**L**alpa ah la sepgimna chu thâwn puan ah” ti hi Sawlchâk Paul in Korinth khua mite kiang ah a gen a hi. Korinth khua Kochuamte hin buaina tam tak a tuak ua, kikhenzâknate, tisa ûtnate, milim ho nate, Pathian thugil hiatthiamlo nate, thawkitna chungchâng ah ginna diklote ziaak ah a la buai ma ma ziaak un sawlchâk Paul in ginna dettak ah ding ah Lalpa nasem dingah a

la fuina a hi.

Zia thu pawimaw tak mai hi Korinth Kochuamte â ding bep hilo in, gingu zosia â ding in pawimaw a hi ziaak in a nuai ah thupite a pat hin ngaitua khawm thak hitiu.

Lei leh vân leh a sung ah um zosia leh ei siamtu Pathian na hi châwlngalo ah gimtak ah i sep zing ding uh a hi. Chanchinpha

henailote'n a hiattheina ding uleh a hesate thagau lam ah a khanto zel theina ding un haksatna mun ah le tawmngai tak ah i sep zing ding uh a hi. Ephesate 4:28 ah i mu gual un, taksa leh thagau ah tasamte kiang ah piak ding i neitheina ding un diktak in semgim zaw hitiu. Lalpa â ding ah ga tam tak i suadaw theina ding un



theitâwp in sem zing hitiu.

Lalpa nâ hi a nâ neitu Lalpa dawigual leh a hepina hechian pum in sem hitiu. Eima lâwkna ding bep hawl in sêm pua’i tiu. Chapo lo in suak gual ah kingaitâwm tak ah sep ding a hi. Muang lo in sem kin hitiu, i chut thiatthiat kâl un i Insung, i Kochuam, i gam sung teu mangthai man ding a hui. Ginum tak leh thanuam tak in sem hitiu. Jeremiah 48:10 na chun “Thada tak ah Lalpa nasemte chu hânsiadawng in um uh hen” ti kha hemil pua’i tiu. Chanvo ahilo leh mawpuakna nei zia mai ah sem hilo ding in, i chanvo sâng a kha a nâ neitu Lalpa pawimaw zaw’n kawi zing hitiu.

“Lo ah semgim pa chu thaiga chang masa pen a hi ding a hi” (2 Timothy 2:6) ti a hia,

lo ah sêngim lo chun thaiga lâk ding neilo ding a hui. Dan takleh i Lalpa’n kipak man a hawp hun ah i chan theina ding in Lalpa nâ hi gimtak in sem hitiu. Noah ngei in le gimtak ah lawng a tuk zia in tui sang lêt hun ah ama leh a Inkuante hukdam ah um thei a hui ti hemil pua’i tiu. Tu ah i sepgim ga’u chu dânni takleh vân ah i kipâkman ding a hi.

“Mi zosia a nasep dungzui chiat ua piak ding in ka kipâkman ka kiang in a um tai” (Thupuan 22:12). Sêngim te kipâkman pe ding ah kitiamtu Pathian in i sepgimnau chu a thawn in kawi puan ah. Lalpa’n semgimte i nasep dungzui chiat un kipakman ei hawppiak ding a hi. Zia kipakman chu chang chiat thei ding in theitawp in sem zing hitiu. Lalpa’n a thu ei malsawm piak ta hen!

## SUHINGTU THAGAU

*Rev. Joseph Lalnunmawia*

*Guwahati Mission Field*

ROMTE 8:11. Himaleh, mithi lak ah kipat Jesu kaitho kitpa Thagau chu nangmau ah a um leh, mithilak ah kipat Jesu kaitho kitpa chun, nangmau ah um Thagau ah chun la taksau thithe chu hung hinsak kit in a.

1. ‘Suhingtu Thagau Thiangtho’ ti’n I gen sek ua. A mantam dan hi i ha khuat leh khuat daw di a bei thei puan, a sui gil tapo le a thuk deu deu hi. Genchiantu khenkhat chun, ziathu hi i taksau ala thi ta, dantak leh hung hingkit ding, i taksa thak genna hi’n a ngai ui.

2. Himahleh, hawi tak ah Romte bung 8 hi i sim a hi chun, ‘nisin ah Thagau ah hing ding ah zilsakna lam a kaww zaw’ ti’n le a ngaitua thei hi. Thagau ah hing dingah chun, suk-hin masak i ngaiua, zia dingah chun, suhingtu i pawimaw kit uh a hi.

3. Paul in Rom 8:11-ah, “Thagau chu nangmau ah a um (oikei) chun,” a tihin ‘inlu ah, chêngkhawm’ a genna tawbang a hi: Thagau chenna mun in (Building) chu i hui, a tina a hi. Thagau Thiangtho in na a sepna din a chenna ding in a pawimaw, zia dingah chun, a in i hi uh a ngai hi.

4. Tichun, Paul ma hin, “Nangmau ah um (enoikoun) Thagau ah chun,” a ti kit a, zia hi Thagau zal ah ah chun le titheih ina. Zia tak ah hinchueimau ah Thagaucha a chêng bep hita loin, eipui a/ kaihui a, na a sem a, Khrista hiat na leh batna lampi ah eipui in ei suhing tai tina a hi.

5. Pathian matchak a pan a h’em, Pathian nasemtu hi tup di mai hilo in, Pathian chenna leh a laisung a kipat ah nisin na a sepna hi a pawimaw ma ma hi. Pathian hepina leh lungsiatna leh chenchilna hi dawn zel hi tiu. Ziagual mite hinkhua ah hin ‘hinna’ a um sek hi. Zia chun, hanta a kipat hat zawk semna ei pia in, hat zaw sem di’n ei puihuai sek hi.

---

“Rev. Joseph Lalnunmawia hi a hungtung ding 13-15 May 2022 KKP General Conference ah hin Speaker ding ahia, Pauchapna in delzui chiat hitiu. A zintuntu ding Lamka Bial te ngei hile i pauchapna un delzui hitiu.”

## **KOCHUAM NUMEI PAWL** **Vaihawm Kikhawp 8-Veina Reports**

Manipur Area Kochuam Numei Pawl Vaihawm Kikhawp - 8veina tarik 4th - 6th March,2022 sungin Sharonphai Bial ah Sharonphai Kochuam zintunna in “Lalpa na chu thanuam takin sem un” Kolassa 3:23 ti thupi ah mangin Pathian umpina tawh lawktak leh lawting takin matzaw a hi.

Vaihawmna hi 5th March, 2022 ni in nei ahia, Bial tin leh Kochuam tin apat Vaihawm Palai, CKNP puitute leh committee Member, Ex-Officio, Pastor, Pro-Pastor, CKKP palai a kigawm in mi 154 a kichiakhawm in lamzang takin vaihawmna nei zaw a hi. Vaihawm thupuknate a nuai ah gual hi a hi:-

- 1. KNP Ki-Khawmpilian - 13veina, Kangvai Pastor Bial ah 3rd - 5th March, 2023 um ding ahin Thupi dingin “Sunggil lam takna” Sam 51:6 tel a hi.
- 2. Vaihawm Kikhawp 9veina, 2024 zintuntu dingin Imphal Pastor Bial leh Ki-Kikhawmpilian 14veina, 2025 zintuntu dingin Mata Pastor Bial guat ahiau.
- 3. Nisin insung Kikhawp pawimaw dan CKNP committee member ten campaign nei dingin pha sak a hi.
- 4. Sungkuan sum etkawl dan seminar CKNP in hun guanggal dingin pha sak a hi.
- 5. Thuzil Bu let(translate) ding hi a pawimaw dungzui ah a mamaw Bial ten a kibawzui dingun phasak a hi.

Kum 2022-2023 a ding ahin budget ₹ 1,90,000 pawm a hi. Tukum ahin Delhi Kochuam, Guwahati Kochuam leh Chingmei Bial te Budget siam piak ahiau.

Tuchung Vaihawm kikhawp ahin Rev.Paulalsiam apat in Khrista Thuhiatpitu ( Kolossa 3:23, Romte 12:1,2), Rev. Ngurthanmawia Sailo apat Khristian Sungkuan (Joshua 24:14,15), Rev.P.B.Zosaphara, Administrative Secretary,Manipur Area apat Thagaulam Thupi “Lalpa Na chu thanuam takin sem un”

## HINNA VÂK

(Kolossa 3:23, Ephesa 2:10) leh Rev. S. Lama Vaiphei, Coordinator, Manipur Area apat Lalpa Ngak (Isai 40:8, 29 - 31) ti thupi mangin Pathian thuhing ngaithak ahin, Palai chiakhawm te'n Thagau lam lawkna tampi dawn a hi.

Zintuntu Bial/Kochuam lam te felna zal in Palai chiakhawm ten khawmpi nuamtak leh lawting takah mat zaw thei a hiziak in kipak um a kisa ma ma hi. A kipiak zawnate'u leh a dawtheinate uh zal in khawmpi mang ah chiakhawm ten haksatna bangma a kituak pua lungdam a um takzet hi. Lungthim, tha le zung, a kisenna zosia te uh Pathian in malzawl ngei ina.

Kum 2021 reports khaikhawm

1. Report lutzat - **24**
2. Kochuam zat - **108**
3. Inkuan zat - **3394**
4. KNP member zosia zat - **5987**
5. Nisin ah insung Kikhawpna neithe i - Inkuan **971** (Dumlian Pastor Bial - 100%).
6. Anchangham - In **3343** ah kawithe i a hi (Total Kg zat - **2,27,292kg**).

(Intin ah kawi thei bial te - Dumlian, Chingmei, Munpi, Phaipheng, Leijangphai, D. Khawzim, D. Phailian, S. Munnuam, New Lamka, Imphal, B. Phainuam, Jiribam & Leilon)

7. Semtu chawp neithe i bial te

- a) Kangvai - mi 2
  - b) S.Kawtlia - mi 1
  - c) New Lamka - mi 1
  - d) Sugnu - mi 1
  - e) D.Phailian - mi 2
  - f) Imphal - mi 2
  - g) Lamka - mi 1
  - h) Mata - mi 1
  - i) Leijangphai - mi 1
- Total - Mi 12

Kumdang sangin KNP te'n committee kikaihua ina dan ahte, anngawl pauchapna lam ahte, Seminar, budget siam leh budget dungzui ah sum mat dan te, insung kikhawpna lam leh anchangham lam ah te'n nasa takin masawna a kinei hi ti muthe i ah aum zia kin kipak um a kisa, masaw thei zel dingin Lalpa'n i ma'u pui zing taken!

~ Pi Chinglalven  
General Secretary, KNP

**MIZORAM SYNOD : MANIPUR AREA**  
**Pathian Gam Thawlawm Report**  
**(April 2021-March-2022)**

<b>SN</b>	<b>Bial/Kochuam</b>	<b>DZK</b>	<b>Belkhwam</b>	<b>Per DZK</b>
1	<b>D.PHAILIAN BIAL</b>			
	1) Jubilee Church	676	43,13,411	6,380
	2) Bible Hill	106	12,82,525	12,099
	3) Centenary	162	7,92,210	4,890
	4) Bethany	181	19,79,440	10,936
	5) D.Phailian Bial	-	12,000	-
	6) KKP	-	12,000	-
	7) KNP	-	24,000	-
	<b>Total</b>	<b>1,125</b>	<b>84,15,586</b>	<b>7,480</b>
2	<b>NEW LAMKA BIAL</b>			
	1) New Lamka	455	36,36,191	7,991
	2) Gangpimual	582	29,86,104	5,130
	3) V.Khawnuam	82	2,45,841	2,998
	4) Bethlehem	52	2,61,260	5,024
	5) Olive Church Gangpimual	17	1,42,560	8,385
	6) Bial KNP	-	12,000	-
	<b>Total</b>	<b>1,188</b>	<b>72,83,956</b>	<b>6,131</b>
3	<b>MATA BIAL</b>			
	1) Mata Vengpi	203	10,45,934	5,152
	2) Mata Vengthak	162	5,31,080	3,278
	3) Lingsiphai	395	12,25,213	3,101
	4) Buallian	142	5,29,026	3,725
	5) S.Bualkot	29	1,55,365	5,357
	6) KNP	-	12,000	-
	<b>Total</b>	<b>931</b>	<b>34,98,618</b>	<b>3,757</b>
4	<b>PANGLIAN BIAL</b>			
	1) Panglian	142	4,54,240	3,198
	2) S.Zezaw	140	7,28,700	5,205
	3) Muallum	63	75,875	1,204
	4) Singngat	67	1,42,235	2,122
	5) B. Tuallian	21	25,360	1,207
	6) M.T. Geltam	46	34,370	747
	<b>Total</b>	<b>479</b>	<b>14,60,780</b>	<b>3,049</b>
5	<b>S.MUNNUAM BIAL</b>			
	1) S.Munnuam	355	8,69,020	2,447
	2) Sumtukphai	80	1,56,010	1,950

## HINNA VÂK

	DZK	Belkhawm	Per DZK
3) Canal Veng	107	4,45,073	4,159
4) Zion Branch Church	67	1,34,581	2,008
Total	609	16,04,684	2,634
<b>6 LAMKA BIAL</b>			
1) Hill Town	528	54,59,620	10,340
2) Lamka	178	14,70,052	8,258
3) Nazareth	194	8,99,799	4,638
4) Gangte Veng	38	90,100	2,371
5) Headquarter Veng	60	1,33,819	2,230
6) KNP	-	12,000	-
7) C. Munkot	98	32,910	335
Total	1,096	80,98,300	7,388
<b>7 KANGVAI BIAL</b>			
1) Kangvai	386	19,90,700	5,157
2) Torbung	235	11,36,505	4,836
3) K.Kawtlian	113	4,80,711	4,254
4) Mualongat	65	2,25,870	3,474
5) Laika Mualsau	59	2,09,590	3,552
6) Chawlmunnam	40	59,900	1,497
7) Bial KNP	-	24,000	-
8) New Dampi	67	1,57,244	2,346
Total	965	42,84,520	4,439
<b>8 S.KAWTLIAN BIAL</b>			
1) S.Kawtlian	248	12,23,064	4,931
2) Pengjang	166	15,35,773	9,251
3) Leisang	69	3,58,170	5,190
4) S.Bualjang	37	99,110	2,678
5) V.Kawlmun	56	2,03,632	3,636
6) S.Chakmual	43	1,39,855	3,252
7) T Munjang	118	4,64,424	3,935
8) KNP	-	12,000	-
Total	737	40,36,028	5,476
<b>9 SUGNU BIAL</b>			
1) Sugnu (T)	104	4,49,080	4,318
2) Dongjang	332	11,58,660	3,489
3) T.Lailoiphai	196	8,99,675	4,590
4) Sokom	167	5,94,233	3,558
5) L.Khawnuamphai	74	1,40,530	1,899
6) Bial KNP	-	13,000	-
7) Pantha	74	34,824	470
8) KKP	-	12,000	-
Total	947	33,02,002	3,486

April 2022

	DZK	Belkhamw	Per DZK
10 DUMLIAN BIAL			
1) Dumlian	99	3,97,380	4,013
2) Tuiningkhal	86	2,69,571	3,134
3) Tuinuphai	64	1,04,010	1,625
4) L.Muncham	50	99,960	1,999
Total	299	8,70,921	2,912
11 CHINGMEI BIAL			
1) Chingmei	50	1,19,294	2,385
2) Moirangthem	10	2,125	212
Total	60	1,21,419	2,023
12 MUNPI BIAL			
1) Munpi	175	4,17,578	2,386
2) Chongkhawzo	211	3,00,330	1,423
3) Thingkeu	163	2,44,801	1,501
4) Chiangpi	76	2,12,728	2,799
5) L.Phunchongjang	50	66,060	1,321
6) Puaktam	25	30,730	1,229
Total	700	12,72,227	1,817
13 D. KHAWZIM BIAL			
1) D.Khawzim	119	1,70,555	1,433
2) Mualdak	94	58,185	618
3) V.Munlai	57	1,03,810	1,821
4) K.Lonmual	6	32,170	5,361
5) Sainolian	18	5,240	291
6) N.Saikot	22	23,400	1,063
Total	316	3,93,360	1,244
14 PHAIPHENG BIAL			
1) Phaipheng	93	2,30,435	2,477
2) Tuilileibul	80	1,01,020	1,262
3) Maite	27	59,325	2,197
4) Sinjang	47	28,499	606
Total	247	4,19,279	1,697
15 LEIJANGPHAI BIAL			
1) Leijangphai	101	2,74,060	2,713
2) Thanlon	55	98,890	1,798
3) Phaiba	67	70,301	1,049
4) Tuikumualum	59	1,19,758	2,029
5) Saihum	18	44,992	2,499
6) Phainuam	16	39,109	2,444
7) Saichang	143	64,320	449
8) KNP	-	12,000	-
Total	459	7,23,430	1,576

## HINNA VÂK

	DZK	Belkhawm	Per DZK
16 PHAILIANBUNG BIAL			
1) Phailianbung	218	2,34,589	1,076
2) B.Munpi	27	32,310	1,196
3) Vokbual (M)	34	33,160	975
4) Umtal	23	6,650	289
5) Phailianbung Bial	-	2,000	-
Total	302	3,08,709	1,022
17 KAWLHEN BIAL			
1) Kawihen	120	3,81,941	3,182
2) Dawjang	23	35,710	1,552
3) Damzawl	27	1,10,910	4,107
4) Naupanglon	22	8,235	374
Total	192	5,36,796	2,795
18 IMPHAL BIAL			
1) New Lambulane	221	40,11,450	18,151
2) GPC Langol	136	22,12,420	16,267
3) New Moreh	150	20,10,450	13,403
4) L. Vaiphei Veng	60	5,56,240	9,270
5) P. Thianjawl	120	4,76,530	3,971
6) Bial KNP	-	26,000	-
7) Mantripukhri B/Church	57	1,94,960	3,420
8) Langol Pres. Church	85	4,21,790	4,962
Total	829	99,09,840	11,953
19 LEILON BIAL			
1) T.KhawVaiphei	57	2,37,740	4,170
2) L.Suangtun	196	7,97,810	4,070
3) L.Munlui	71	2,89,320	4,074
4) L.Munlai	71	2,10,820	2,969
5) L Khawmunjang	31	36,800	1,187
6) Leimakhong	13	15,260	1,173
Total	439	15,87,750	3,616
20 SHARONPHAI BIAL			
1) Sharonphai	151	7,03,540	4,659
2) K.Tanguam	88	72,980	829
3) Heiroklian	71	78,400	1,104
4) Tuinuamphai	11	12,780	1,161
Total	321	8,67,700	2,703
21 B.PHAINUAM BIAL			
1) B.Phainuam	80	1,63,345	2,041
2) Nongpok Phaijang	56	58,900	1,051
3) Phainuam	48	1,93,780	4,037
4) Th.Salemphai	4	1,520	380
Total	188	4,17,545	2,220



April 2022

	DZK	Belkhwam	Per DZK
22 JIRIBAM BIAL			
1) Jiribam	47	2,88,695	6,142
2) Tuaitengmun	21	20,475	975
3) Lengluang	39	8,445	216
Total	107	3,17,615	2,968
23 TUNGKYAW BIAL			
1) Tungkyaw	107	1,20,340	1,124
2) Phaizang	75	1,08,480	1,446
3) Gamnuamphai	22	22,980	1,044
Total	204	2,51,800	1,234
24 NANPHALONG BIAL			
1) Nanphalong	51	59,500	1,166
2) Kantaya	25	7,300	292
3) Nansongpuh	31	14,250	459
4) Kalymyo	26	7,950	305
5) Aphuatset	20	4,050	202
Total	153	93,050	608
25 KALAYMYO BIAL			
1) Kalaymyo	26	22,000	846
2) Aphuatset	20	9,800	490
3) Yeleoo	13	8,250	634
Total	59	40,050	678
26 Delhi Kochuam	78	15,58,025	19,974
27 Guwahati Kochuam	43	7,86,482	18,290
28 CKNP	-	24,000	-
Grand Total	13,073	6,24,84,472	4,779
Kum Masa total	13,016	5,95,17,981	4,572
Punna(+)/Kiamna(-)	(+) 57	(+) 29,66,491	(+) 207

*Ka in ah nek ding a umtheina ding in sawm ah khat diktak in bu in ah hun kawin khawm un; tichun, ka van tukyante hawng in, a kawina'n a dawl lo ding khawp malzawl'n ka hun vuk paw na ve em, ti ei patep ma tiam un, sepai hawnte Lalpa chun a ti a hi.*

Malaki 3:10

*Huangphal tak leh mitthipna pang lo in pia sek in, la chuti bawl leh Lalpa la Pathian in la sep la bawlnau zosia ah hun malzawl ding a hi ngal a.*

Dan 15:10

**MIZORAM PRESBYTERIAN CHURCH SYNOD  
MANIPUR AREA**

**PATHIAM GAM THAWLAWM TOP 10 LIST**

for FINANCIAL YEAR 2021-2022

BIAL TOP 10

<b>SN</b>	<b>Bial Min</b>	<b>DZK</b>	<b>Gawpkhawm</b>	<b>Per DZK</b>
1	Imphal Bial	829	<b>99,09,840</b>	11,953
2	D.Phailian Bial	1,125	<b>84,15,586</b>	7,480
3	Lamka Bial	1,096	<b>80,98,300</b>	7,388
4	New Lamka Bial	1,188	<b>72,83,956</b>	6,131
5	Kangvai Bial	965	<b>42,84,520</b>	4439
6	S.Kawtlian Bial	737	<b>40,36,028</b>	5,476
7	Mata Bial	931	<b>34,98,618</b>	3,757
8	Sugnu Bial	947	<b>33,02,002</b>	3,486
9	S.Munnuam Bial	609	<b>16,04,684</b>	2,634
10	Leilon Bial	439	<b>15,87,750</b>	3,616

KOCHUAM MAL TOP 10

<b>SN</b>	<b>Kochuam Min</b>	<b>DZK</b>	<b>Gawpkhawm</b>	<b>Per DZK</b>
1	Hill Town	528	<b>54,59,620</b>	10,340
2	JubileeChurch	676	<b>43,13,411</b>	6,380
3	New Lambulane	221	<b>40,11,450</b>	18,151
4	New Lamka	455	<b>36,36,191</b>	7,991
5	Gangpimual	582	<b>29,86,104</b>	5,130
6	GPC Langol	136	<b>22,12,420</b>	16,267
7	New Moreh	150	<b>20,10,450</b>	13,403
8	Kangvai	386	<b>19,90,700</b>	5,157
9	Bethany	181	<b>19,79,440</b>	10,936
10	Delhi	78	<b>15,58,025</b>	19,974

April 2022

BIAL PER DAN ZOKIM TOP 10

<b>SN</b>	<b>Bial Min</b>	<b>DZK</b>	<b>Gawpkhawm</b>	<b>Per DZK</b>
1	Delhi Kochuam	78	15,58,025	<b>19,974</b>
2	Guwahati Kochuam	43	7,86,482	<b>18,290</b>
3	Imphal Bial	829	99,09,840	<b>11,953</b>
4	D.Phailian Bial	1,125	84,15,586	<b>7,480</b>
5	Lamka Bial	1,096	80,98,300	<b>7,388</b>
6	New Lamka Bial	1,188	72,83,956	<b>6,131</b>
7	S.Kawtlian Bial	737	40,36,028	<b>5,476</b>
8	Kangvai Bial	965	42,84,520	<b>4,439</b>
9	Mata Bial	931	34,98,618	<b>3,757</b>
10	Leilon Bial	439	15,87,750	<b>3,616</b>

KOCHUAM MAL PER DAN ZOKIM TOP 10

<b>SN</b>	<b>Kochuam Min</b>	<b>DZK</b>	<b>Gawpkhawm</b>	<b>Per DZK</b>
1	Delhi	78	15,58,025	<b>19,974</b>
2	Guwahati	43	7,86,482	<b>18,290</b>
3	New Lambulane	221	40,11,450	<b>18,151</b>
4	GPC Langol	136	22,12,420	<b>16,267</b>
5	New Moreh	150	20,10,450	<b>13,403</b>
6	Bible Hill	106	12,82,525	<b>12,099</b>
7	Bethany	181	19,79,440	<b>10,936</b>
8	Hill Town	528	54,59,620	<b>10,340</b>
9	L. Vaiphei Veng	60	5,56,240	<b>9,270</b>
10	Pengjang	166	15,35,773	<b>9,251</b>

Financial Year 2021-2022

**Pathian Gam Budget : 5,21,04,000**

**Mu Zat : 6,24,84,472**

**Budget Khumna : +1,03,80,472**

## Dawtna leh Dawnhuna

**Dawtna:** *Johan 14:14 Nang un ka min ah la dawt tapo uh chu bang hi ziang taleh zia chu hipiak ing ka a tin, a hileh thilpiak (thawlawm) lat phatleh la Jesu min in a kidawn ta puan, bang ti zawk ding a hi diam?*

~ *Upa S. Minthang  
Damzawl Kochuam*

**Dawnhuna:** Jesu min ah dawt leh Jesu min ah lat hi thil kibang in a ngai thei hi. I Pathian uh hi bangkim hesuak a hi ban ah, lunggil ngaituana enchain sek Pathian a hia, Lalpa Jesu min ah i lat uh hin ei kipakpi ma ma ding ah ngai a hi.

**Dawtna:** *Sam 133:3 Hermon dai chim Zion tang ah ke sek a ti hi, a tang chuam hingal ah bangti um thei a hi diam?*

~ *Upa Kapa  
Damzawl Kochuam*

**Dawnhuna:** Jerusalem khawpi umna hi phaicham a hia, Zion tang hi Temple umna tangbawk neucha a hi. A sim lam pang a chun Hermon tang sang tak gammang thing in a khu dep dup ziang hi a um ah, zia tang khel a chun Mediterranean tuipi a um hi. Tuipi a kipat sum hung pawt chun Hermon tang ah thing te chu a chup sek ah, tuipi a kipat

ma ah thigua hung hang chun zia daichim kisiam te chu tawk pekin Zion tang chu a chapno sek a hi. Zia hin, Lalpa malsawmna hunglut dan a sulang chiang ma ma hi.

**Dawtna:** *Mathai 6.6 na ah Lal jesu'n pauchap ding dan eihil na ah chun nang vang la pauchap ding phat leh la pindan sunggil ah lut in la la kawt khak in la pa kua ma mulo ala muzing kiang a chun pauchap in ti ahin ei uh lawi chu pauchap in Biakin ah te pauchap na tang ate i chia sek un pauchap ding dan Bible gen hi zui ngai lo ahi kha diam? Bangma ngai lo na zawk. Pindan sunggil ati hi lungthim sung a genna a hi em? Amun kigen na ahi zaw em? Amun kigen na ahi chun pindan sung ah pauchap ding i kiziltit thak ngai lo ding ahi diam?*

~ *Upa Siakkap  
Kawlhen Kochuam*

**Dawnhuna:** Zia taka Jesu'n a gennawp pen hi mipalem te gual ah bawlo ding ti a hi. A kammal mat gual gual ah pindan sung ah kawt kikhakkhum ding lam pang sang a hin, i Pathian uh chu pindan sunggil ah kawt i kikhakkhum lai ah le ei mu thei leh ei ngaitha zing a hi zia a genlang ut zaw a hi.

---

Dawtna te hi Editor kiang ah (9862228014) SMS ahiloleh  
WhatsApp message a h'em in thawt thei zing hi'n ah.



**SUNNA**

## **UPA P KHAIA**

(1951- 17th January 2022)



Upa P.Khaia hi 1951 kum in Lingsiphai Khua'n a pianga, Pu (L) Kamkholian leh Nu Tingzahat te gil ah ga ahia, pianpi pawsal -6 leh numei -4 a nei hi.

Kum 1969 kum in Nu Hoiniang tawh kicheng in gial ah ga chapa – 6 leh numei -3 anei hi, ama hi in leh gam ah mi fel leh pawsal pha a hin, migenthei leh haksate a ding ah mi kiphal tak leh mi ho nuam ma ma a hi. khawtang leh kochuam ah mi kipumpiak mi ahi bawh hi.

Kum 2009 in New Lamka MPCS kochuam in Upa Ordained a hung lai. Kochuam ah Pathian lalgam a ding ah a theitawp sua a sep zinglai in 17/01/2022 zingkal lam in Heart attack natna ziak in a it a ngai cheng nusia in a theitawp sua a na a sep Lalpa kiang in eila chawlsan tai.

*Report petu,  
Upa H. Thanglunlal  
Secretary Sr.  
S. Munnuam Pastor Bial*

**Editor** : Rev. S. Lama Vaiphei, Co-ordinator

**Joint Editors** : Rev. P.B Zosapthara, A/S  
: Rev. K. Jama Vaiphei  
: Rev. Th. Samuel Vaiphei  
: Upa Lalminsang  
: Upa S. Lalpi  
: Pi Chinglalven, Secretary, CKNP  
: Tv. Lianlalsiam, Secretary, CKKP

**Business Manager** : Pu Lalbiaklian, A/S Office.  
MPCS Office D. Phailian  
P.O. Box 107 CCPur-795128 Manipur  
Phone No. +91 9089623251  
Email - [mparea@gmail.com](mailto:mparea@gmail.com)

Kum khat lak man : Rs. 100.00

A man pia nuam leh a la thak nuam ten Business Manager kianga hiatsak ding.

## A SUNGAH THU UMTE

1. Editorial	01
2. KOCHUAM HUANG	02
3. CHAWIHAWINA THUMTAK CHU	04
4. AMA LEH MA KIHUKDAM THEILO	06
5. Missionary Day Chibai Bukna	09
6. EASTER SUNDAY	10
7. KHANGLAITE LEH KICHEINA	12
8. MEITEI LAK AH NASEPNA	16
9. a) Kua te a hiu em vangam ah lut ding?	19
b) La hinna'u humbitna dingin taidawk un	22
c) Lalpa ah la sepgimnau chu thawn puan ah	23
d) Suhingtu Thagau	25
10. KNP VAIHAWM KIKHAWP REPORTS	26
11. PATHIAN GAM THAWLAWM REPORTS	28
12. DAWTNA LEH DAWNHUNA	35
13. SUNNA	36

Hinna Vâk ah thu kisua zosia hi Editor ngaidan a hi suak puai



## Pauchapna Thupi:

1. Rev. Thangneihpau i/c Panglian Pastor Bial, a suapinu a kal hawm dingah Shija Hospital ah um chu lawting tak ah hawm zo ah, dam tak ah in ah ki-enkawl dingah hung pawt thei ta a um ziakin ki-pakthu gen hiti un, a hung hat to zel na dingin pauchap piak hitiu.
2. Bial zosia te'n i Bial khawmpii chiat lawting tak ah thagaulam malza-wlna tawh i mat zaw chiat theina ding un pauchap hitiu.

---

### KHRISTIAN KHANGLAI PAWL GENERAL CONFERENCE 12-VEINA 2022

Amun - Hill Town Kochuam

Ahun - 13th- 15th May, 2022

Thupi - "La gam hung tung hen" (Matthai 6:10)

Speaker - Rev. Joseph Lalnunmawia